

· INUIT ATAQATIGIIT INATSISARTUNI



Nuuk 26. januar 2024

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Ukioq 2022 naalersoq eqqumiitsuliorneq kulturilu pillugit isumasioqatigiittoqarpoq. Taassuma kingorna suleqatigiit inassuteqaasiortussat suliaassanik pingaarnersiullutik inassuteqaatinik qulinik Naalakkersuisunut inassuteqaasiorput. Inassuteqaatit taakku qulit suuppat?**
- 2. Inassuteqaatit taakku qulit pillugit Naalakkersuisut qanoq pilersaaruteqarpat?**
- 3. Tassunga tunngasumik allamik naalakkersuisut oqaasissaqarpat?**

(Inatsisartuni ilaasortaq Peter Olsen, Inuit Ataqatigiit)

Tunngavilersuut:

Naluneqanngitsut ukioq 2022 naalersoq eqqumiitsuliorneq aammalu kulturi pillugit isumasioqatigiittoqarpoq; eqqumiitsuliortorpassuit aammalu kulturilerisut amerlasuut peqataaffigisaannik.

Pissangartunik soqutiginarporpassuarnillu eqqumiitsuliortut kulturilerisullu sammisaqarput saqqumiussuillutillu.

Isumasioqatigiinneq naammassimmat suleqatigiit inassuteqaasiortussat pilersinneqarput. Suleqatigiit suliaassanik pingaarutilinnik pingaarnersiullutik inassuteqaatinik quliusunik Naalakkersuisunut tunniussaqqarput.

Taakku inassuteqaasut qulit suunersut paaserusullugu matumuuna apeqquteqaat manna nassiuppara. Inatsisartut suleriaqqinnissannut sakkussatut atorfissaqartikkakkit.

Taamaattumik taamatut tunngavilersuuteqarlunga matumuuna apeqquteqaatikka ingerlateqqippakka.

Kissaatigaaralu apeqquteqaatima ullut qulit qaanngiutinnagit akineqarnissaa.